



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IZMJENAMA I DOPUNAMA ODLUKE O PRISTUPANJU
IZRADI REGULACIONOG PLANA
„CENTAR NOVO SARAJEVO“

(Prijedlog)

Nosilac pripreme Plana:
Gradonačelnik Grada Sarajeva

Nosilac izrade Plana:
Zavod za planiranje razvoja
Kantona Sarajevo

Obrađivač:
Služba za urbano planiranje, investicije,
stambene i komunalne poslove

Sarajevo, februar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu Odluke o privremenim mjerama zaštite ventilacionih koridora utvrđenih u „Studiji o urbanim ventilacionim koridorima i uticaju visokih zgrada“, u skladu sa Zaključkom Vlade Kantona Sarajevo, broj 02-04-2751-17/20 od 06.02.2020. godine i Zaključkom Skupštine Kantona Sarajevo, broj 01-04-3436/20 od 25.02.2020. godine („Službene novine Kantona Sarajevo“, broj 24/20 i 1/21), člana 177. Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) te člana 16. stav 1. tačka 1. i člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) Gradsko vijeće Grada Sarajeva, na sjednici održanoj dana _____ 2021. godine, donijelo je

(prijedlog)

ODLUKU
O IZMJENAMA I DOPUNAMA ODLUKE
O PRISTUPANJU IZRADI REGULACIONOG PLANA
„CENTAR NOVO SARAJEVO“

Član 1.

Ovom Odlukom vrše se izmjene i dopune Odluke o pristupanju izradi Regulacionog plana „Centar Novo Sarajevo („Službene novine Kantona Sarajevo“, broj 41/15).

Član 2.

Član 4. „Smjernice za izradu Plana“ mijenja se i glasi:

„Smjernice za izradu Plana su:

- Izvršiti ažuriranje geodetske podloge u obuhvatu Plana u vektorskom obliku u razmjeri 1:1000. Uz geodetsku podlogu potrebno je obezbijediti i podatke o posjedovnom stanju i ažurnom katastru komunalne infrastrukture;
- Izvršiti snimanje i valorizaciju postojećeg građevinskog fonda;
- Prilikom izrade Plana uvažavati, po mogućnosti, postojeće vlasničko stanje, što će omogućiti lakšu realizaciju planirane gradnje, s tim da se u isto vrijeme mora voditi računa o neophodnosti izgradnje sekundarnih saobraćajnica i njihovih priključaka na saobraćajnice višeg reda;
- Potrebno je preispitati postojeće kapacitete društvene, saobraćajne i komunalne infrastrukture;
- Za ukupnu stambenu izgradnju (planiranu i postojeću) planirati neophodne sadržaje i kapacitete društvene infrastrukture za nivo „Sekundarnog centra Novo Sarajevo“ prema normativima iz Urbanističkog plana grada Sarajeva za urbano područje Sarajevo za period 1986.-2015. godina, sa posebnim osvrtom na potrebe planiranja objekata predškolskog i osnovnog obrazovanja;
- Maksimalni koeficijent izgrađenosti u obuhvatu Plana iznosi $K_i=1$;
- Maksimalna visina planiranih objekata iznosi 20m iznad kote terena;
- Na lokalitetu koji je obuhvaćen ulicama Zmaja od Bosne, Vilsonovo šetalište, II i IV transverzala, planirati objekte društvenih i komercijalnih djelatnosti (po mogućnosti diplomatsko konzularno predstavništvo, vjerski objekat, komercijalni sadržaji i sl.), a u preostalom dijelu obuhvata Plana planirati poslovne i stambeno-poslovne sadržaje;

- Kod urbanističke kompozicije i arhitektonskog oblikovanja objekata, voditi računa o osnovnim arhitektonsko-urbanističkim parametrima, posebno stavljajući akcenat na distance i odnos prema susjednim objektima, kao i kompoziciju ukupne ulične fasade;
- Prilikom planiranja, odnosno pozicioniranja objekata, voditi računa da najveća horizontalna dimenzija gabarita objekta uvijek mora biti okrenuta u smjeru ventilacionog koridora;
- Planskim rješenjem nastojati da maksimalni procenat izgrađenosti novoplaniranih parcela, za stambene i stambeno-poslovne objekte kolektivnog stanovanja, bude 60%, zbog uvođenja nove funkcije stanovanja i potrebe za većim otvorenim površinama;
- U toku izrade Plana potrebno je zadržati koncept primarne saobraćajne mreže definisan Urbanističkim planom grada Sarajeva za urbano područje Sarajevo za period 1986. do 2015. godine i usvojenim provedbenim planovima kontaktnih prostornih cjelina, kako položajno tako i po gabaritima;
- Mrežu internih saobraćajnica treba koncipirati na način jednostavne i pune dostupnosti svim planiranim sadržajima sa gabaritom ne manjim od 6,00 m za dvosmjerni motorni saobraćaj, odnosno 4,50 m za jednosmjerni saobraćaj, sa pješačkim stazama širine minimalno 1,50;
- Ispitati mogućnost planiranja biciklističkih staza, zasebnih ili kombinovano sa pješačkim stazama;
- Ispoštovati propise o preglednosti na svim saobraćajnicama u obuhvatu Plana, a posebno u zonama raskršća;
- Saobraćaj u mirovanju rješavati u skladu sa prostornom organizacijom i dimenzionirati ga tako da zadovolji potrebe sadašnjih i budućih korisnika u skladu sa važećim standardima i planiranim sadržajima, uz određeni broj otvorenih (vanjskih) parking mjesta;
- Planirati pješačke komunikacije u obuhvatu Plana, vodeći računa o komunikacijama obuhvaćenim regulacionim planovima kontaktnih područja, sa posebnim osvrtom na Sjevernu longitudinalu;
- U okviru građevinske parcele obezbijediti minimum 25% uređenih zelenih površina;
- Prilikom definisanja prostorne organizacije na lokalitetu Vaso Miskin Crni potrebno planirati minimum 20% parkovske površine u cjelini;
- Zelene površine koncipirati i urediti tako da predstavljaju jedinstvenu kompoziciju cjelinu međusobno, uz uvažavanje svih kategorija zelenila koje odgovaraju ovom ambijentu i načinu korištenja površina;
- Sve slobodne površine ozeleniti. Koncept ozelenjavanja, osim estetsko-psihološkog elementa, treba da obezbijedi i druge funkcije, kao što su zaštita od buke, sprječavanje ili potenciranje vizura i dr.. U oblikovnom smislu, prema prostornim mogućnostima uz objekte stambenog i poslovnog karaktera, kao segment vanjskog uređenja planirati zelene površine sa visoko atraktivnim elementima sve tri vegetacione etaže, upotpunjene sa elementima urbanog mobilijara;
- Unutar stambenih i stambeno-poslovnih blokova obezbijediti površine za dječja igrališta i disperzno adekvatan broj sportsko-rekreativnih ploha;
- Hortikulturno rješenje, uz sportsko-rekreativne terene i objekte, uskladiti sa prostornim mogućnostima i konceptom organizacije same zone. Izbor elemenata biološke komponente, vršiti u skladu sa potencijalnom vegetacijom i prema estetsko oblikovnim iskazima pojedinih elemenata;

- Prema prostornim mogućnostima, uz postojeće i planirane saobraćajnice različitog nivoa, predvidjeti linijske sisteme zelenila uz sadnju stablašica markantnih morfoloških iskaza;
- Planskim rješenjem zadržati planiranu zelenu površinu uz ulicu Kolodvorska, te preispitati mogućnost planiranja podzemne garaže;
- Idejna rješenja komunalne infrastrukture (komunalna hidrotehnika, elektroenergetika, toplifikacija-gasifikacija, kablovska TK mreža), planirati na osnovu koncepta prostornog uređenja datog Planom, a u skladu sa usmjerenjima datim kroz prostorno planske dokumente i usvojene provedbeno planske dokumente kontaktnih zona.“

Član 3.

Član 5. „Rokovi za pripremu i izradu Plana“ mijenja se i glasi:

„Rokovi za pripremu i izradu Plana su:

- Prijedlog Odluke o izmjenama i dopunama Odluke o pristupanju izradi Plana: februar 2021. godine,
- Osnovna koncepcija Plana: maj 2021. godine,
- Prednacrt Plana: juni 2021. godine,
- Nacrt Plana: juli 2021. godine,
- Javni uvid i rasprava o Nacrtu Plana: august/septembar 2021. godine,
- Prijedlog Plana: januar 2022. godine,
- Usvajanje Plana: februar 2022. godine.“

Član 4.

Član 11. briše se.

Član 5.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

***Predsjedavajući
Gradskog vijeća Grada Sarajeva***

dr. Igor Gavrić

Broj:
Datum,

OBRAZLOŽENJE

Pravni osnov

Odlukom o privremenim mjerama zaštite ventilacionih koridora utvrđenih u „Studiji o urbanim ventilacionim koridorima i uticaju visokih zgrada“, u skladu sa Zaključkom Vlade Kantona Sarajevo, broj 02-04-2751-17/20 od 06.02.2020. godine i Zaključkom Skupštine Kantona Sarajevo, broj 01-04-3436/20 od 25.02.2020. godine („Službene novine Kantona Sarajevo“, broj 24/20 i 1/21) propisano je da je Grad dužan u roku od 6 (šest) mjeseci, da u saradnji sa Ministarstvom prostornog uređenja, građenja i zaštite okoliša Kantona Sarajevo i Zavodom za planiranje razvoja Kantona Sarajevo, izvrši analizu svih regulacionih planova čiji obuhvati ulaze u obuhvat ventilacionih koridora utvrđenih Studijom i pokrene postupke usklađivanja istih sa rezultatima Studije.

Odredbama člana 3. Zakona o izmjeni i dopunama Zakona o prostornom uređenju Kantona Sarajevo („Službene novine Kantona Sarajevo“, broj 1/18), a u skladu sa članom 177. kojim je propisano da Skupština Kantona, gradsko ili općinsko vijeće koji su donijeli odluku o pristupanju izradi planskog dokumenta do dana 30.06.2017. godine donose i odluku o usvajanju i odluku o provođenju tog planskog dokumenta.

Statutarni osnov su odredbe članova 16. stav 1. tačka 1. i 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je regulisano da je Grad Sarajevo nadležan za urbano planiranje i upotrebu lokalnog zemljišta, odnosno da je Gradsko vijeće Grada Sarajeva nadležno za donošenje odluka, propisa i općih akata i da daje njihovo tumačenje.

Planski osnov

Planski osnov za donošenje ove Odluke je Prostorni plan Kantona Sarajevo za period 2003. do 2023. godine („Službene novine Kantona Sarajevo“, br. 26/06, 4/11 i 22/17), Urbanistički plan grada Sarajeva za urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 1986. do 2015. godine („Službene novine Kantona Sarajevo“, br. 5/99, 14/00, 4/02 i 37/14) i Regulacioni plan „Centar Novo Sarajevo“ („Službene novine Kantona Sarajevo“, broj 17/11 – prečišćeni tekst, 20/11 i 10/12).

Razlozi donošenja Odluke

Odlukom o privremenim mjerama zaštite ventilacionih koridora utvrđenih u „Studiji o urbanim ventilacionim koridorima i uticaju visokih zgrada“, a u skladu sa Zaključkom Vlade Kantona Sarajevo od 06.02.2020. godine i Zaključkom Skupštine Kantona Sarajevo od 25.02.2020. godine („Službene novine Kantona Sarajevo“, br. 24/20 i 1/21), propisano je da je Grad dužan u roku od 6 (šest) mjeseci, da u saradnji sa Ministarstvom prostornog uređenja, građenja i zaštite okoliša Kantona Sarajevo i Zavodom za planiranje razvoja Kantona Sarajevo, izvrši analizu svih regulacionih planova čiji obuhvati ulaze u obuhvat ventilacionih koridora utvrđenih Studijom i pokrene postupke usklađivanja istih sa rezultatima Studije.

U skladu sa članom 6. Odluke o privremenim mjerama zaštite ventilacionih koridora utvrđenih u „Studiji o urbanim ventilacionim koridorima i uticaju visokih zgrada“ („Službene novine Kantona Sarajevo“, broj 24/20), Ministarstvo prostornog uređenja, građenja i zaštite okoliša Kantona Sarajevo dostavilo je Instrukcije za izmjene detaljnih

planskih dokumenata, koji su u obuhvatu ventilacionih koridora (dopis broj 05/01-04-2751-75/20 od 27.07.2020. godine).

Članom 11. Odluke o pristupanju izradi RP „Centar Novo Sarajevo” („Službene novine Kantona Sarajevo“, broj 41/15) utvrđena je zabrana građenja do donošenja planskog dokumenta.

Članom 34. stav (4) Zakona o prostornom uređenju Kantona Sarajevo („Službene novine Kantona Sarajevo“, broj 24/17) propisano je da se Odlukom o pristupanju izradi planskog dokumenta, može utvrditi režim zabrane građenja na prostoru ili dijelu prostora za koji se izrađuje, do donošenja istog, a najduže u trajanju od jedne godine.

Na osnovu navedenog, predložena je Odluka o izmjenama i dopunama Odluke o pristupanju izradi Plana.

odredbama Zakona o ublažavanju negativnih ekonomskih posljedica i uštedama u Kantonu Sarajevo, a do isteka istih kako slijedi:

Broj i datum ugovora o djelu	Mjesečna naknada	Vrijedi do
04-27-10944-1/20 od 02.06.2020.	1.150,00 KM	31.07.2020.
04-23-10852-1/20 od 02.06.2020.	1.150,00 KM	31.07.2020.
04-14-25481-3/20 od 19.05.2020.	1.150,00 KM	19.06.2020.
04-14-25481-8/20 od 19.05.2020.	1.150,00 KM	19.06.2020.
04-14-25481-2/20 od 06.05.2020.	1.150,00 KM	03.07.2020.
04-14-31771-7/20 od 04.03.2020.	1.603,00 KM	30.09.2020.
04-14-42318-1/19 od 19.04.2020.	1.150,00 KM	19.09.2020.
04-27-26005-5/19 od 12.04.2020.	1.310,00 KM	12.09.2020.
04-14-30942/19-3 od 13.01.2020.	1.000,00 KM	10.05.2020.

Član 2.

Za realizaciju ove Odluke zadužuju se Ministarstvo saobraćaja Kantona Sarajevo - Direkcija za puteve i Ministarstvo finansija Kantona Sarajevo, svako u okviru svoje nadležnosti.

Član 3.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-19851-24/20

11. juna 2020. godine

Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", br. 10/20, 18/20) i Zakona o ublažavanju negativnih posljedica i uštedama u Kantonu Sarajevo ("Službene novine Kantona Sarajevo", broj 18/20), Vlada Kantona Sarajevo, na 20. sjednici održanoj 11.06.2020. godine, donijela je

ODLUKU

O PRENAMJENI DIJELA SREDSTAVA ZA CESTE I PARKINGE

I

Mijenja se namjena dijela sredstava za ceste u iznosu od 2.400.000,00 KM i dijela sredstava za parkinge u iznosu od 1.062.810,00 KM.

II

Prenamijenjena sredstva će se koristiti na razdjelu Ministarstva saobraćaja na pozicijama ekonomski kod 614400 - EAO010 - Subvencije za javni prevoz i ekonomski kod 614400 - EAO008 - Pokriće akumuliranih gubitaka KJKP GRAS d.o.o. Sarajevo.

III

Isplata sredstava za ceste će se vršiti sa namjenskog računa za ceste.

IV

Za realizaciju ove Odluke zadužuju se Ministarstvo saobraćaja Kantona Sarajevo i Ministarstvo finansija Kantona Sarajevo, svako u okviru svoje nadležnosti.

V

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-19851-32/20

11. juna 2020. godine

Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj

36/14 - Novi prečišćeni tekst i 37/14 - Ispravka), Vlada Kantona Sarajevo, na 20. sjednici održanoj 11.06.2020. godine, donijela je

ODLUKU

I

Daje se saglasnost Ministarstvu za obrazovanje, nauku i mlade Kantona Sarajevo da umanju iznos sufinansiranja boravka djece u privatnim predškolskim ustanovama za mjesec april 2020. godine u iznosu od 100% i za mjesec maj 2020. godine u iznosu od 50% od ugovorom utvrđenog mjesečnog iznosa sufinansiranja po djetetu.

II

Za realizaciju ove Odluke zadužuju se Ministarstvo za obrazovanje, nauku i mlade Kantona Sarajevo i Ministarstvo finansija Kantona Sarajevo.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-19851-36/20

11. juna 2020. godine

Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Zaključka Vlade Kantona Sarajevo broj 02-04-2751-17/20 od 06.02.2020. godine i Zaključka Skupštine Kantona Sarajevo broj 01-04-3436-6/20 od 25.02.2020. godine, Vlada Kantona Sarajevo, na 21. sjednici održanoj 18.06.2020. godine, donijela je

ODLUKU

O PRIVREMENIM MJERAMA ZAŠTITE VENTILACIONIH KORIDORA UTVRĐENIH U "STUDIJI O URBANIM VENTILACIONIM KORIDORIMA I UTICAJU VISOKIH ZGRADA" U SKLADU SA ZAKLJUČKOM VLADE KANTONA SARAJEVO BROJ 02-04-2751-17/20 OD 06.02.2020. GODINE I ZAKLJUČKOM SKUPŠTINE KANTONA SARAJEVO BROJ 01-04-3436-6/20 OD 25.02.2020. GODINE

Član 1.

Ovom Odlukom se propisuju mjere privremene zaštite ventilacionih koridora u Kantonu Sarajevo utvrđenih u "Studiji o urbanim ventilacionim koridorima i uticaju visokih zgrada" (u daljem tekstu: Studija) koju je usvojila Vlada Kantona Sarajevo Zaključkom broj 02-04-2751-17/20 od 06.02.2020. godine, a Skupština Kantona Sarajevo Zaključkom broj 01-04-3436-6/20 od 25.02.2020. godine utvrdila zaduženja Ministarstvu prostornog uređenja, građenja i zaštite okoliša, Zavodu za planiranje razvoja Kantona Sarajevo, nosiocima pripreme i izrade planske dokumentacije (Grad, općine i Zavod za planiranje razvoja Kantona Sarajevo) o primjeni Studije.

Član 2.

- (1) U obuhvatu ventilacionih koridora u Kantonu Sarajevo privremeno se zabranjuje donošenje upravnih akata o odobravanju građenja bilo kakvih građevina ili izvođenje zahvata u prostoru, izuzev građevina i zahvata u prostoru koji su u funkciji poboljšanja osnovne komunalne infrastrukture ili služe za očuvanje bezbjednosti života i zdravlja ljudi i njihove imovine od devastacija izazvanih prirodnim djelovanjem ili djelovanjem čovjeka.
- (2) Zabrana iz stava (1) će trajati 6 (šest) mjeseci od stupanja na snagu ove Odluke.

Član 3.

Svaki upravni akt, kojim se rješava po zahtjevu stranke za građenjem u obuhvatu detaljnih planskih dokumenata, čiji obuhvat ulazi u obuhvat ventilacionih koridora utvrđenih Studijom, donesen u roku iz člana 2. stav (2) ove odluke, bit će poništen ili ukinut po pravu nadzora od strane drugostepenog organa.

Član 4.

- (1) Zadužuje se Zavod za planiranje razvoja Kantona Sarajevo da u roku od 10 dana od objavljivanja ove Odluke izradi i dostavi Ministarstvu prostornog uređenja, građenja i zaštite okoliša grafički prilog ventilacionih koridora iz Studije u razmjeri R 1 : 10 000 sa obuhvatima svih regulacionih planova i urbanističkih projekata koje zahvataju ventilacioni koridori na uvid i potvrđivanje tačnosti unesenih podataka.
- (2) Zavod za planiranje razvoja Kantona Sarajevo dužan je grafički prilog iz stava (1) ovog člana dostaviti svim općinama u Kantonu Sarajevo na koje se Studija odnosi, odmah nakon potvrđivanja tačnosti unesenih podataka od strane Ministarstva prostornog uređenja, građenja i zaštite okoliša.

Član 5.

Jedinice lokalne samouprave (Grad i općine) su dužne, u roku od 6 (šest) mjeseci od stupanja na snagu ove Odluke, da u saradnji sa Ministarstvom prostornog uređenja, građenja i zaštite okoliša i Zavodom za planiranje razvoja Kantona Sarajevo, izvrše analizu svih detaljnih planskih dokumenata (regulacioni planovi i urbanistički projekti) čiji obuhvat ulaze u obuhvat ventilacionih koridora utvrđenih Studijom i pokrenu postupke usklađivanja istih sa rezultatima Studije u skladu sa instrukcijama koje donese Ministarstvo prostornog uređenja, građenja i zaštite okoliša.

Član 6.

Ministarstvo prostornog uređenja, građenja i zaštite okoliša će, u saradnji sa izrađivačima Studije i Zavodom za planiranje razvoja Kantona Sarajevo, u roku od 30 (trideset) dana od stupanja na snagu ove Odluke, dati instrukcije o primjeni i provođenju urbanističkih parametara datih i usvojenih u Studiji i to:

- a) primjeni Studije na donesene detaljne planske dokumente, sa stanovišta urbanističko-tehničkih elemenata i odnosa prema već izgrađenim građevinama i zahvatima u prostoru;
- b) primjeni parametara Studije na nove detaljne planske dokumente.

Član 7.

Ministarstvo prostornog uređenja, građenja i zaštite okoliša, izrađivači Studije i Zavod za planiranje razvoja Kantona Sarajevo će dodatno analizirati Studiju i predložiti eventualna proširenja ili dopune ventilacionih koridora i planiranje lokacija za zelene vazdušne otoke.

Član 8.

Ukoliko jedinice lokalne samouprave (Grad i općine), u roku od 6 (šest) mjeseci, ne provedu postupak analiziranja detaljnih planskih dokumenata u obuhvatu ventilacionih koridora i ne postupaju po instrukcijama iz člana 5. ove Odluke, Vlada Kantona Sarajevo će pokrenuti postupak i predložiti Skupštini Kantona Sarajevo, da se svi takvi detaljni planski dokumenti stave van snage kroz izradu planskog dokumenta višeg reda - urbanističkog plana.

Član 9.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20826-24/20

18. juna 2020. godine
SarajevoPremijer
Mario Nenadić, s. r.

Na osnovu člana 138. stav (3) Zakona o radu ("Službene novine Federacije BiH", br. 26/16 i 89/18), člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 172. i 173. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 04/18, 51/19 i 03/20), Vlada Kantona Sarajevo, na 20. sjednici održanoj 11.06.2020. godine, donijela je

RJEŠENJE

**O IMENOVANJU PREGOVARAČKOG TIMA VLADE
KANTONA SARAJEVO ZA DONOŠENJE
KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I
OBRAZOVANJA**

I

U Pregovarački tim Vlade Kantona Sarajevo za donošenje kolektivnog ugovora za djelatnosti predškolskog odgoja i osnovnog odgoja i obrazovanja, imenuju se:

1. Mario Nenadić, premijer,
2. Mr. Anis Krivić, ministar za obrazovanje, nauku i mlade,
3. Prof. dr. Jasmin Halebić, ministar finansija,
4. Jasna Agić, ministrica za rad, socijalnu politiku, raseljena lica i izbjeglice i
5. Mersa Kustura, ministrica pravde i uprave.

II

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-19851-16/20

11. juna 2020. godine
SarajevoPremijer
Mario Nenadić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 25. i 26. Zakona o ustanovama ("Službeni list RBiH", broj 6/92, 8/93 i 13/94), a u vezi sa članom 116. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo, na 20. sjednici održanoj 11.06.2020. godine, donijela je

RJEŠENJE

**O RAZRJEŠENJU PREDSEDNIKA I ČLANOVA
NADZORNOG ODBORA JAVNE USTANOVE
TERAPIJSKA ZAJEDNICA - KAMPUS KANTONA
SARAJEVO**

I

Razrješavaju se predsjednik i članovi Nadzornog odbora Javne ustanove Terapijska zajednica - Kampus Kantona Sarajevo, prije isteka mandata na koji su imenovani, a zbog neusvajanja Izvještaja o poslovanju Javne ustanove Terapijska zajednica - Kampus Kantona Sarajevo za 2019. godinu koji obuhvata Izvještaj o radu sa Izvještajem o finansijskom poslovanju za 2019. godinu, i to:

						<i>podričljima</i>					
4.5	615 300	YAU 027	056	Opšte mjere zaštite okoliša	34.195	Projekti-programi Fond za zaštitu okoliša	34.195	NS	Realizacija projekata u funkciji zaštite okoliša	Pravna lica iz oblasti zaštite voda, zraka, upravljanja otpadom, zaštite okoliša, NVO;	Prioriteti iz i strateških dokumenata iz oblasti zaštite okoliša
UKUPNO					6.184.875		6.184.875				
Kapitalni transferi neprofitnim organizacijama (615300)											

5. Nabavka opreme za zaštitu zraka - 821300											
Rb	Ek. kod	Subnacionalna	Funkcija	Naziv budžetske pozicije	Iznos pozicije	Naziv Podpozicije/ Projekta/ Programa	Iznos podpozicije/ projekta	Izvor	Svrha projekta/ programa	Korisnici sredstava	Kriterij za raspodjelu sredstava
5.1.	821 300	YAX 002	066	Nabavka opreme	282.680	Nabavka opreme za zaštitu zraka	263.000	NS	Proširenje mreže nabavkom još jedne stanice za automatski monitoring kvaliteta zraka	Najpovoljniji ponuđač po osnovu javne nabavke roba i radova	Uslovi propisani javnom nabavkom-
						Nabavka opreme za redovne potrebe Ministarstva	19.680	BU	Obezbeđenje osnovne opreme za redovni rad uposlenika	Pravna lica za promet kancelarijskog namještaja, kompjutera	Najpovoljniji ponuđači u postupku Javne nabavke.
UKUPNO					282.680		282.680				
Kapitalni transferi drugim nivoima vlasti (615100)											

Član 3.

Izvršavanje Programa vršit će se u skladu sa Zakonom o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20, 18/20 i 29/20) i Uputstvom o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini ("Službene novine Kantona Sarajevo", broj 17/07 i 31/11).

Izvršavanje navedenih pozicija ovog Programa vršit će se u skladu sa: Zakonom o prostornom uređenju ("Službene novine Kantona Sarajevo", broj 24/17), Zakonom o zaštiti od buke ("Službene novine Kantona Sarajevo", broj 23/16), Zakonom o upravljanju zajedničkim dijelovima zgrade ("Službene novine Kantona Sarajevo", broj 19/17), Zakonom o zakupu stana ("Službene novine Kantona Sarajevo", broj 24/15), Zakonom o budžetima u FBiH ("Službene novine Federacije BiH", broj 102/13, 9/14, 13/14, 8/15, 9/15, 102/15, 104/16 i 5/18), Zakonom o upravljanju otpadom ("Službene novine Federacije BiH", broj 33/03 i 72/09), Planom upravljanja otpadom FBiH 2012-2017; Planom upravljanja otpadom KS za period 2015-2020, Zakonom o zaštiti okoliša, Zakonom o zaštiti zraka.

Član 4.

Sa korisnicima sredstava, ovisno od karaktera programa ili projekta, ministar prostornog uređenja, građenja i zaštite okoliša Kantona Sarajevo će potpisati posebne sporazume i ugovore o realizaciji dodijeljenih sredstava, kojima će se regulisati način i rokovi utroška sredstava, kao i izvještavanje.

Izuzetno Ministarstvo prostornog uređenja, građenja i zaštite okoliša Kantona Sarajevo na temelju opravdanog zahtjeva korisnika, produžit će rok realizacije pojedinog projekta koji je određen u sporazumu/ugovoru.

U slučaju da Ministarstvo odobri produženje roka realizacije jednog ili više potprograma bit će zaključene izmjene i dopune potpisanog sporazuma/ugovora.

Korisnik sredstava obavezan je dodijeljena sredstva utrošiti namjenski i u ugovorenom roku, te podnijeti izvještaj o

namjenskom utrošku sredstava i ostvarenim efektima ulaganja u roku od 15 dana od dana realizacije sredstava.

Ukoliko korisnik sredstava blagovremeno ne dostavi izvještaj o utrošku sredstava ili se utvrdi da je sredstva utrošio nenamjenski, isti je dužan izvršiti povrat sredstava na Jedinствени račun trezora.

Član 5.

Ministarstvo prostornog uređenja, građenja i zaštite okoliša Kantona Sarajevo podnositi će izvještaj o utrošenim sredstvima Ministarstvu finansija Kantona Sarajevo, u skladu sa Zakonom o izvršavanju budžeta Kantona Sarajevo za 2020. godinu.

Član 6.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-50658-12/20
24. decembra 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) Zaključka Vlade Kantona Sarajevo broj 02-04-2751-17/20 od 06.02.2020. godine i Zaključka Skupštine Kantona Sarajevo broj 01-04-3436-6/20 od 25.02.2020. godine, Vlada Kantona Sarajevo, na 49. sjednici održanoj 28.12.2020. godine, donijela je

**ODLUKU
O IZMJENI ODLUKE O PRIVREMENIM MJERAMA
ZAŠTITE VENTILACIONIH KORIDORA UTVRĐENIH
U "STUDIJI O URBANIM VENTILACIONIM
KORIDORIMA I UTICAJU VISOKIH ZGRADA" U
SKLADU SA ZAKLJUČKOM VLADE KANTONA
SARAJEVO BROJ 02-04-2751-17/20 OD 06.02.2020.
GODINE I ZAKLJUČKOM SKUPŠTINE KANTONA
SARAJEVO BROJ 01-04-3436-6/20 OD 25.02.2020.
GODINE ("SLUŽBENE NOVINE KANTONA
SARAJEVO", BROJ 24/20)**

Član 1.

U odluci o privremenim mjerama zaštite ventilacionih koridora utvrđenih u "Studiji o urbanim ventilacionim koridorima i uticaju visokih zgrada", broj 02-04-20826-24/20 od 18.06.2020. godine,

u članu 2. stav (2) mijenja se i glasi:

"(2) Zabrana iz stava (1) traje do 01.07.2021. godine."

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-50921-3/20

28. decembra 2020. godine
Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), Vlada Kantona Sarajevo, na 49. sjednici održanoj 28.12.2020. godine, donijela je

ODLUKU

Član 1.

Daje se saglasnost Javnoj ustanovi Narodno pozorište Sarajevo za zaključenje ugovora sa autorom za autorski tekst na temu: "Portret umjetnika", u skladu sa važećim zakonskim i podzakonskim propisima, koji je sastavni dio Monografije Narodnog pozorišta Sarajevo, a na zahtjev JU Narodno pozorište Sarajevo, broj 05-3596/20 od 18.12.2020. godine.

Član 2.

Javna ustanova Narodno pozorište Sarajevo je dužna da resornom ministarstvu dostavi svu dokumentaciju potrebnu za realizaciju ove odluke.

Član 3.

Zadužuju se Ministarstvo kulture i sporta Kantona Sarajevo i Ministarstvo finansija Kantona Sarajevo da vrše nadzor nad realizacijom ove odluke.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-50921-14/20

28. decembra 2020. godine
Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) člana 12. stav (1) Zakona o ublažavanju negativnih ekonomskih posljedica i

uštedama u Kantonu Sarajevo ("Službene novine Kantona Sarajevo", broj 18/20 i 46/20), Vlada Kantona Sarajevo, na 49. sjednici održanoj 28.12.2020. godine, donijela je

ODLUKU

I

Daje se saglasnost ministru Ministarstva za obrazovanje, nauku i mlade Kantona Sarajevo za izuzeće od primjene člana 12. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20).

II

Daje se saglasnost ministru Ministarstva za obrazovanje, nauku i mlade Kantona Sarajevo za isplatu članova/ica Ekspertne radne grupe (ERG), Stručnog tima i Projekt menadžera koji su angažovani po osnovu ugovora o djelu za izradu predmetnih kurikuluma.

III

Za realizaciju ove odluke zadužuju se Ministarstvo za obrazovanje, nauku i mlade Kantona Sarajevo i Ministarstvo finansija Kantona Sarajevo, svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-50921-8/20

28. decembra 2020. godine
Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka), člana 11. stav (3) Zakona o poticaju razvoja male privrede ("Službene novine Kantona Sarajevo", broj 29/15), člana 14. stav (6) Pravilnika o postupcima u provođenju programa razvoja male privrede ("Službene novine Kantona Sarajevo", broj 17/16, 30/16, 21/17 i 29/19), a u skladu sa Odlukom o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2020. godinu, broj 07-05-15-28764-1/20 od 11.08.2020. godine i Sporazumom o poslovno-tehničkoj saradnji, broj 07-05-11-30831/20 od 29.10.2020. godine zaključenim između Ministarstva privrede Kantona Sarajevo i Razvojnog programa ujedinjenih naroda (UNDP) u BiH koji provodi projekat "Boljom upravom do bržeg ekonomskog rasta" (EGG), Vlada Kantona Sarajevo, na 49. sjednici održanoj 28.12.2020. godine, donijela je

ODLUKU

**O DODJELI POTICAJNIH GRANT SREDSTAVA NA
OSNOVU JAVNOG POZIVA ZA DOSTAVLJANJE
PRIJAVA PO OSNOVU PROGRAMA: "POTICAJ ZA
UNAPRJEĐENJE IT PREDUZETNIŠTVA U SVRHU
ZAPOŠLJAVANJA"**

I

Utvrđuje se lista korisnika i iznos poticajnih grant sredstava koji će se dodijeliti po Javnom pozivu za dostavljanje prijave po osnovu programa: "Poticaj za unaprjeđenje IT preduzetništva u svrhu zapošljavanja", broj 07-05-11-30831-1/20 od 16.11.2020. godine ("Službene novine Kantona Sarajevo", broj 46/20) i to kako je to prikazano u Tabeli 1. ove odluke.

Član 26.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1581-1/15
22. septembra 2015. godine
Sarajevo

Predsjedavajući
Gradskog Vijeća
Suljo Agić, s. r.

Na osnovu člana 40. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj dana 22.09.2015. godine, donijelo je

ODLUKU

**O PRISTUPANJU IZRADI REGULACIONOG PLANA
"CENTAR NOVO SARAJEVO"**

Vrsta Plana

Član 1.

Pristupa se izradi Regulacionog plana "Centar Novo Sarajevo", u daljnjem tekstu: Plan.

Granice područja za koje se Plan radi

Član 2.

Granica obuhvata Plana polazi od tačke br. 1, koja se nalazi na međi između parcela k.č. 4008/22 i 4359, a ima koordinate $y=6530381$, $x=4856162$, zatim nastavlja na sjever idući zapadnom stranom V transverzale (obuhvata je), sijekuci parcele k.č. 4008/22, 4008/16, 4342/2, 4307/1, 4361/2, 3969/4, 3967/1, 3966/3, 4160/45, 3928/12, 3928/18, 3916/5 i dolazi u tačku br. 2, koja se nalazi na parceli k.č. 3916/5, a ima koordinate $y=6530239$, $x=4856704$, zatim produžava na sjever, te sjeveroistok idući Sjevernom longitudinalom, odnosno njenom sjevernom stranom (obuhvata je) preko parcela k.č. 3916/5, 3915/4, 3912/3, 3908, 3886/3, 3881/2, 3872/1, 3875/2, 3871/2, 3849, 3850/1, 3851/1, 3854, 3856/1, 3842/2, 3841/1, 3832, 3818/2, 3807/1, 3803/2, izlazi na ulicu Marka Marulića k.č. 4336, produžava na sjeveroistok idući sjevernim dijelom trase Sjeverne longitudinalne, odnosno ulicom Marka Marulića k.č. 4336, presijeca ulicu Ložionička k.č. 4337/1, te ulicom Krupska k.č. 3333/1 nastavlja na sjeveroistok, te dolazi do njenog raskršća sa ulicom Hamdije Čemerlića k.č. 3349/1, produžava u pravcu juga idući njenom istočnom stranom (obuhvata je), presijeca ulicu Zmaja od Bosne, te nastavlja istočnom stranom ulice Hamdije Čemerlića k.č. 3380, (obuhvata je) i izlazi na rijeku Miljacku, kojom produžava nizvodno (ne obuhvata je) i dolazi do mjesta odakle je opis granice obuhvata Plana i počeo.

Sve naprijed navedene parcele se nalaze u KO. Novo Sarajevo I, Općina Novo Sarajevo.

Površina obuhvata Plana iznosi $P=93,9$ ha.

Vremenski period za koji se Plan donosi

Član 3.

Plan se donosi za period do donošenja novog planskog dokumenta.

Smjernice za izradu Plana

Član 4.

Osnovna usmjerenja za izradu Plana su:

- Izvršiti ažuriranje geodetske podloge u obuhvatu Plana u vektorskom obliku u razmjeri 1:1000. Uz geodetsku podlogu potrebno je obezbijediti i podatke o posjedovnom stanju i ažurnom katastru komunalne infrastrukture;
- Izvršiti snimanje i valorizaciju postojećeg građevinskog fonda;
- Prilikom izrade Plana uvažavati, po mogućnosti, postojeće vlasničko stanje, što će omogućiti lakšu realizaciju

planirane gradnje, s tim da se u isto vrijeme mora voditi računa o neophodnosti izgradnje sekundarnih saobraćajnica i njihovih priključaka na saobraćajnice višeg reda;

- Potrebno je preispitati postojeće kapacitete društvene, saobraćajne i komunalne infrastrukture;
- Za ukupnu stambenu izgradnju (planiranu i postojeću) planirati neophodne sadržaje i kapacitete društvene infrastrukture za nivo "Sekundarnog centra Novo Sarajevo" i nivo mjesne zajednice prema normativima iz Urbanističkog plana grada Sarajeva za urbano područje Sarajevo za period 1986-2015. g., sa posebnim osvrtom na potrebe planiranja objekata predškolskog i osnovnog obrazovanja;
- Na lokalitetu koji je obuhvaćen ulicama Zmaja od Bosne, Vilsonovo šetalište, II i IV transverzala, planirati objekte društvenih i komercijalnih djelatnosti (diplomatsko konzulamo predstavništvo, vjerski objekat, komercijalni sadržaji i sl.), a u preostalom dijelu obuhvata Plana planirati poslovne i stambeno-poslovne sadržaje;
- Kod urbanističke kompozicije i arhitektonskog oblikovanja objekata veće spratnosti i volumena, voditi računa o osnovnim arhitektonsko-urbanističkim parametrima posebno stavljajući akcenat na distance i odnos prema susjednim objektima, kao i kompoziciju ukupne ulične fasade;
- Dati raspored vertikalnih akcenata sa preporučenim horizontalnim gabaritima, orijentaciono 25mx25m;
- Izbjegavati duga fasadna platna kao elemente formiranja novih gabarita;
- Planskim rješenjem nastojati da maksimalni procenat izgrađenosti novoplaniranih parcela, za stambene i stambeno-poslovne objekte kolektivnog stanovanja, bude 60%, zbog uvođenja nove funkcije stanovanja i potrebe za većim otvorenim površinama;
- U toku izrade Plana potrebno je zadržati koncept primarne saobraćajne mreže definisan Urbanističkim planom grada Sarajeva za urbano područje Sarajevo za period 1986. do 2015. godine i usvojenim provedbenim planovima kontaktnih prostornih cjelina, kako položajno tako i po gabaritima;
- Mrežu internih saobraćajnica treba koncipirati na način jednostavne i pune dostupnosti svim planiranim sadržajima sa gabaritom ne manjim od 6,00 m za dvosmjerni motorni saobraćaj, odnosno 4,50 m za jednosmjerni saobraćaj, sa pješačkim stazama širine minimalno 1,50;
- Ispitati mogućnost planiranja biciklističkih staza, zasebnih ili kombinovano sa pješačkim stazama;
- Ispoštovati propise o preglednosti na svim saobraćajnicama u obuhvatu Plana, a posebno u zonama raskršća;
- Saobraćaj u mirovanju rješavati u skladu sa prostornom organizacijom i dimenzionirati ga tako da zadovolji potrebe sadašnjih i budućih korisnika u skladu sa važećim standardima i planiranim sadržajima, uz određeni broj otvorenih (vanjskih) parking mjesta;
- Planirati pješačke komunikacije u obuhvatu Plana, vodeći računa o komunikacijama obuhvaćenim regulacionim planovima kontaktnih područja, sa posebnim osvrtom na Sjevernu longitudinalu;
- U okviru građevinske parcele obezbijediti minimum 25% uređenih zelenih površina;
- Prilikom definisanja prostorne organizacije cjelokupnog prostora, treba u potpunosti sačuvati postojeće vrijedne zelene površine, uz prijedlog unaprjeđenja njihove strukture (biološka i građevinska komponenta);
- Zelene površine na ovom prostoru treba koncipirati i urediti tako da predstavljaju jedinstvenu kompozicionu cjelinu međusobno, ali i sa širim prostorom uz uvažavanje

svih kategorija zelenila koje odgovaraju ovom ambijentu i načinu korištenja površina;

- Sve slobodne površine ozeleniti. Koncept ozelenjavanja, osim estetsko-psihološkog elementa, treba da obezbijedi i druge funkcije, kao što su zaštita od buke, sprečavanje ili polenciranje vizura i dr.. U oblikovnom smislu, prema prostornim mogućnostima uz objekte stambenog i poslovnog karaktera, kao segment vanjskog uređenja planirati zelene površine sa visokoatraktivnim elementima sve tri vegetacione etaže, upotpunjene sa elementima urbanog mobilijara;
- Unutar stambenih i stambeno-poslovnih blokova obezbijediti površine za dječija igrališta, i disperzno adekvatan broj sportsko-rekreativnih ploha;
- Hortikulturno rješenje uz sportsko-rekreativne terene i objekte, uskladiti sa prostornim mogućnostima i konceptom organizacije same zone. Izbor elemenata biološke komponente, sve tri vegetacione etaže, vršiti u skladu sa potencijalnom vegetacijom i prema estetsko oblikovnim iskazima pojedinih elemenata;
- Prema prostornim mogućnostima, uz postojeće i planirane saobraćajnice različitog nivoa, predvidjeti linijske sisteme zelenila uz sadnju stablašica markantnih morfoloških iskaza;
- Planskim rješenjem zadržati planiranu zelenu površinu uz ulicu Kolodvorska, te preispitati mogućnost planiranja podzemne garaže;
- Idejna rješenja komunalne infrastrukture (komunalna hidrotehnika, elektroenergetika, toplifikacija-gasifikacija, kablovska TK mreža), planirati na osnovu koncepta prostornog uređenja datog Planom, a u skladu sa usmjerenjima datim kroz prostorno planske dokumente i usvojene provedbeno planske dokumente kontaktnih zona;
- Stvorene obaveze u prostoru od strane nadležnih službi za prostorno uređenje uvažiti kao zatečeno stanje.

Rokovi za pripremu i izradu Plana

Član 5.

- Nacrt Odluke o pristupanju izradi Plana: juli 2015. godine
- Prijedlog Odluke o pristupanju izradi Plana: septembar 2015. godine
- Podloge za izradu Plana: decembar 2015. godine
- Osnovna koncepcija Plana: april/maj 2016. godine
- Prednacrt Plana: juli 2016. godine
- Nacrt Plana: septembar 2016. godine
- Javni uvid i rasprava o Nacrtu Plana: oktobar/novembar 2016. godine
- Prijedlog Plana: mart 2017. godine
- Usvajanje Plana: april 2017. godine
- Način osiguranja sredstava za izradu Plana

Način osiguranja sredstava za izradu Plana

Član 6.

Okvirna sredstva za pripremu i izradu Plana u iznosu od 27.500,00 KM obezbijedit će Općina Novo Sarajevo u Budžetu za 2015. i 2016. godinu, i to: u 2015. godini iznos od 14.500,00 KM, a u 2016. godini iznos od 13.000,00 KM.

Stvarni troškovi utvrditi će se kroz provođenje tenderskog postupka i na bazi projektnih zadataka.

Nosilac pripreme Plana i Nosilac izrade Plana

Član 7.

Nosilac pripreme Plana je Gradonačelnik Grada Sarajeva.

Nosilac izrade Plana je Zavod za planiranje razvoja Kantona Sarajevo.

Javna rasprava i donošenje Plana

Član 8.

Nosilac izrade Plana će izraditi Osnovnu koncepciju Plana na osnovu utvrđenih smjernica i ponuditi je Nosiocu pripreme Plana na razmatranje i usaglašavanje u kontaktu sa javnošću.

Ukoliko Nosilac pripreme Plana usvoji Osnovnu koncepciju Plana, Nosilac izrade Plana će izraditi Prednacrt Plana i dostaviti ga Nosiocu pripreme Plana radi utvrđivanja Nacrta Plana.

Nosilac pripreme Plana će utvrditi Nacrt Plana i podnijeti ga Gradskom vijeću Grada Sarajeva na razmatranje i stavljanje na javni uvid i javnu raspravu u trajanju od 30 dana.

Član 9.

Na osnovu rezultata Javne rasprave o Nacrtu Plana i stava, Nosilac pripreme Plana utvrdit će Prijedlog Plana i podnijeti ga Gradskom vijeću Grada Sarajeva na donošenje. Sastavni dio Prijedloga Plana je "Elaborat orijentacionih troškova uređenja građevinskog zemljišta".

Ostale odredbe

Član 10.

Subjekti planiranja su: Ministarstvo prostornog uređenja i zaštite okoliša Kantona Sarajevo, Ministarstvo saobraćaja Kantona Sarajevo, Grad Sarajevo, Općina Novo Sarajevo, Zavod za planiranje razvoja Kantona Sarajevo, Zavod za izgradnju Kantona Sarajevo, Kantonalni zavod za zaštitu kulturno-historijskog i prirodnog naslijeđa Sarajevo, komunalna i javna komunalna preduzeća, vjerske zajednice, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

Član 11.

Utvrđuje se režim zabrane građenja do donošenja Plana.

Režim zabrane građenja ne odnosi se na investitore koji su stekli pravo gradnje na ovom lokalitetu na osnovu donesenih rješenja u upravnom postupku (rješenja o dodjeli građevinskog zemljišta u svrhu izgradnje, važeće urbanističke saglasnosti ili odobrenja za građenje) i koji mogu nastaviti započetu proceduru, kao i na aktivnosti utvrđene članom 7. Zakona o prostornom uređenju KS (rekonstrukcija, dogradnja, sanacija, nadzidivanje i drugi zahvati) i Odlukom o legalizaciji građevina izgrađenih bez odobrenja za građenje i građevina privremenog karaktera, što podrazumijeva pribavljanje stručnog mišljenja Zavoda za planiranje razvoja KS.

Zabrana građenja iz stava 1. ovog člana ne odnosi se ni na izgradnju objekata komunalne i društvene infrastrukture, za koje će na osnovu prijedloga Načelnika Općine Novo Sarajevo, Zavod za planiranje razvoja Kantona Sarajevo dati stručno mišljenje.

Stručna mišljenja Zavoda moraju biti u skladu sa smjericama iz člana 4. ove Odluke.

Član 12.


Sastavni dio ove Odluke je grafički prilog sa ucrtanom granicom područja planiranja.


Član 13.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1582/15
22. septembra 2015. godine
Sarajevo

Predsjedavajući
Gradskog vijeća
Suljo Agić, s. r.







- (3) Za planske dokumente koje usvaja općinsko vijeće, nosilac pripreme je općinski načelnik.
- (4) Ako su za donošenje planskih dokumenata nadležne dvije ili više općina koje nisu u sastavu Grada Sarajeva, nosilac pripreme utvrđuje se sporazumno.
- (5) Izradu planskih dokumenata pokreće nosilac pripreme planskih dokumenata.
- (6) Nosilac pripreme plana višeg reda iz stava (1) ovog člana posebnom odlukom može formirati Savjet plana radi stručnog praćenja izrade planskog dokumenta, stručne rasprave o svim fazama izrade, utvrđivanja osnovne koncepcije prostornog razvoja, te usaglašavanja stavova i interesa.
- (7) Savjet plana sačinjavaju istaknuti stručnjaci iz oblasti prostornog planiranja: urbanizma, arhitekture, građevinarstva, saobraćaja, energetike, okoliša, ekonomije i drugih oblasti.

Član 33.

(Obaveze nosioca pripreme i nosioca izrade)

- (1) Nosilac pripreme dužan je odmah po donošenju odluke o pristupanju izradi planskog dokumenta, a najkasnije u roku od 30 dana dostaviti nosiocu izrade svu raspoloživu dokumentaciju, neophodnu za izradu plana, a naročito:
 - a) plan višeg reda;
 - b) važeće detaljne planske dokumente, uključujući njihove izmjene i dopune;
 - c) Kantonalne i općinske planove zaštite okoliša;
 - d) planove razvoja i zaštite voda, privrede, poljoprivrede, i dr.;
 - e) podatke o geološkoj podlozi, energetskim, mineralnim i drugim resursima;
 - f) katastarske i geodetske podloge i dr.
- (2) Ukoliko je nosilac izrade planskog dokumenta Zavod za planiranje razvoja Kantona Sarajevo, nije potrebno dostavljati dokumentaciju iz stava (1) tač. a) i b) ovog člana.
- (3) Nakon donošenja odluke o pristupanju izradi ili izmjeni planskih dokumenata, nosilac pripreme, dužan je javno objaviti poziv zainteresovanim stranama, koje su vlasnici nekretnina u obuhvatu planskog dokumenta da dostave svoje prijedloge i sugestije za određena planska rješenja na zemljištu.
- (4) Zainteresovane strane iz stava (3) ovog člana dužne su da u roku od 30 dana, po isteku javnog poziva, dostave tražene podatke i dokumentaciju, te svoje prijedloge i sugestije za određena planska rješenja na cijelom području obuhvaćenom planom, a koja se tiču njihove imovine.
- (5) Zavisno od postojećeg stanja i planirane namjene prostora i objekata u obuhvatu dokumenta prostornog uređenja, nosilac izrade dužan je pribaviti mišljenja organa, organizacija ili drugog pravnog ili fizičkog lica u čijem djelokrugu su:
 - a) snabdijevanje vodom i odvođenje otpadnih voda;
 - b) snabdijevanje električnom energijom;
 - c) snabdijevanje toplotnom, rashladnom energijom i prirodnim gasom;
 - d) telekomunikacioni i poštanski saobraćaj;
 - e) upravljanje javnim putevima u naselju i izvan naselja;
 - f) zaštita kulturno-historijskog naslijeđa;
 - g) zaštita prirodnih vrijednosti;
 - h) protupožarna zaštita;
 - i) upravljanje komunalnim otpadom;
 - j) zaštita okoliša;
 - k) upravljanje poljoprivrednim zemljištem;
 - l) seizmološka djelatnost.
- (6) Organ, organizacija ili drugo pravno ili fizičko lice iz stava (5) ovog člana dostavlja svoje mišljenje u roku od 30 dana od dana prijema zahtjeva.
- (7) Nosilac pripreme plana dužan je odmah prosljediti dobivena mišljenja, prijedloge i sugestije iz stava (4) ovog člana nosiocu izrade planskog dokumenta.

Član 34.

(Odluka o pristupanju izradi ili izmjeni planskih dokumenata)

- (1) Prije pristupanja izradi ili izmjeni planskih dokumenata Skupština Kantona, Gradsko ili općinsko vijeće, zavisno od nadležnosti za donošenje, donosi Odluku o pristupanju izradi ili izmjeni planskih dokumenata.
- (2) Odluka iz stava (1) ovog člana sadrži:
 - a) vrstu planskog dokumenta čijoj se izradi ili izmjeni pristupa;
 - b) granice područja za koji se dokument izrađuje ili mijenja;
 - c) vrstu planskog dokumenta višeg reda na osnovu kojeg se pristupa izradi planskog dokumenta;
 - d) vremenski period za koji se planski dokument donosi;
 - e) smjernice za izradu ili izmjenu planskog dokumenta;
 - f) optimalni rok izrade;
 - g) sadržaj planskog dokumenta;
 - h) odredbe o učešću javnosti - javnoj raspravi i javnom uvidu;
 - i) način osiguranja sredstava za izradu ili izmjenu planskog dokumenta;
 - j) nosioca pripreme za izradu ili izmjenu planskog dokumenta;
 - k) nosioca izrade ili izmjene planskog dokumenta;
 - l) subjekte planiranja;
 - m) druge elemente u ovisnosti od specifičnosti područja za koje se planski dokument izrađuje.
- (3) Odluka o pristupanju izradi Prostornog plana Kantona obavezno sadrži i Stratešku procjenu uticaja na okoliš, dok se za ostale planske dokumente ova obaveza utvrđuje po prethodno pribavljenom mišljenju Ministarstva u skladu s posebnim propisima.
- (4) Odlukom o pristupanju izradi planskog dokumenta, može se utvrditi režim zabrane građenja na prostoru ili dijelu prostora za koji se izrađuje, do donošenja istog, a najduže u trajanju od jedne godine.
- (5) Odluka o pristupanju izradi ili izmjeni planskog dokumenta objavljuje se u "Službenim novinama Kantona Sarajevo".

Član 35.

(Nosilac izrade planskog dokumenta)

- (1) Nosilac izrade planskih dokumenata je Zavod za planiranje razvoja Kantona Sarajevo (u daljem tekstu: nosilac izrade).
- (2) Nosilac izrade može fazu izrade planskog dokumenta ili njegovog dijela povjeriti pravnom licu registrovanom za tu vrstu djelatnosti, uz saglasnost nosioca pripreme.
- (3) Pravno lice iz stava (2) ovog člana dužno je obezbijediti za pojedine faze planskog dokumenta stručno lice odgovarajuće struke koje ima formalne i stručne reference.
- (4) Nosilac izrade dužan je pravnom licu iz stava (2) ovog člana staviti na raspolaganje dokumentaciju neophodnu za izradu planskog dokumenta, a naročito analitičko-dokumentacionu osnovu planskog dokumenta.
- (5) Izuzetno od odredbe stava (1) ovog člana, nosilac pripreme može izradu urbanističkog projekta povjeriti pravnom licu registrovanom za djelatnost izrade planskih dokumenata (u daljem tekstu: nosilac izrade urbanističkog projekta), putem javnog konkursa u skladu sa propisima iz oblasti javnih nabavki.
- (6) U slučajevima iz stava (5) ovog člana nosilac pripreme nakon usvajanja, dostavlja ovjeren urbanistički projekat, u analognom i digitalnom obliku, Zavodu za planiranje razvoja Kantona Sarajevo.
- (7) Nosilac izrade je dužan da svaku fazu izrade planskog dokumenta, uradi u skladu sa ovim zakonom, propisima donesenim na osnovu ovog zakona i odlukom o pristupanju izradi planskog dokumenta, kao i svim dokumentima dostavljenim od strane nosioca pripreme.